

**Urganch davlat pedagogika instituti Korrupsiyaga qarshi kurash
“Komplayens-nazorat” tizimini boshqarish bo‘limi tomonidan 2025-yilda
amalga oshirilgan ishlar bo‘yicha bo‘lim boshlig‘i Djumaniyazov Adilbek
Xudayberganovichning**

H I S O B O T I

Assalomu alaykum hurmatli vatandoshlar!

Bugungi brifing 2025-yil davomida Urganch davlat pedagogika institutida korrupsiyaviy xavf-xatarlarni barvaqt oldini olish yo‘nalishi bo‘yicha amalga oshirilgan profilaktik-ogohlantiruv tadbirlari to‘g‘risidagi hisobotni jamoatchilikning e‘tiboriga yetkazish maqsadida tashkil etildi.

O‘tgan yil mobaynida Urganch davlat pedagogika institutida korrupsiyaviy xavf-xatarlarni barvaqt oldini olish yo‘nalishida bo‘lim tomonidan muayyan ishlar amalga oshirildi.

Jumladan, korrupsiyaviy xavf-xatarlarni barvaqt oldini olish, manfaatlar to‘qnashuvini tartibga solish borasida olib borilayotgan targ‘ibot ishlarini samaradorligini yanada oshirish, targ‘ibot va tashviqot tadbirlarini tashkil etish orqali yoshlarda korrupsiyaga nisbatan toqatsizlik munosabatini shakllantirish yuzasidan qo‘shimcha chora-tadbirlarni belgilab amalga oshirish maqsadida institutning korrupsiyaga qarshi ichki nazorat bo‘limi tomonidan 2025-yilda **4 ta** nizom, **1 ta** reglament, **1 ta** uslubiyot, **14 ta** buyruq loyihasi va **7 ta** chora-tadbirlar rejasi ishlab chiqildi va ijroga yo‘naltirildi.

Mazkur ishlab chiqilgan ichki hujjatlar asosida institutda mehnat faoliyatini olib borayotgan professor-o‘qituvchilar, barcha toifadagi ishchi-xodimlar va talaba-yoshlar o‘rtasida korrupsiyaviy xavf-xatarlarni barvaqt oldini olish borasida tizimli ravishda targ‘ibot tadbirlari o‘tkazildi.

Mamlakatimiz Prezidenti Sh.Mirziyoev raisligida Korrupsiyaga qarshi kurashish bo‘yicha milliy kengashning korrupsiyaning oldini olish bo‘yicha ishlar natijadorligi va kelgusida ustivor vazifalarga bag‘ishlab 2025-yil 5-mart kuni o‘tkazilgan yig‘ishda belgilab bergan vazifalardan kelib chiqib, tashkilotga ishga yangi qabul qilingan xodimlarni dastlabki ish kunidan **“Halollik vaksinasi”** bilan emlash tadbirlarini o‘tkazish ishlariga alohida e‘tibor qaratildi.

Shu o‘rinda shuni ta’kidlab o‘tish joizki, ushbu tadbirlarni amalga oshirish jarayonida birgina joriy yilning o‘zida xizmat intizomi va qonunchilikni buzmaslik, o‘rnatilgan odob-axloq qoidalariga to‘liq rioya etish hamda manfaatlar to‘qnashuviga yo‘l qo‘ymaslik borasida jami **321** nafar professor-o‘qituvchi va ishchi-xodimlar bilan yakka tartibdagi profilaktik suhbatlar tashkil etilib, o‘tkazildi.

Yakka tartibdagi profilaktik suhbatlar o‘tgan yilning 1-choragida **62 nafar**, 2-choragida **108 nafar**, 3-choragida **121 nafar** va 4-choragida **30 nafar** professor-o‘qituvchilar va ishchi-xodimlar o‘rtasida tashkil etildi.

Bo‘lim tomonidan institutning Korrupsiyaga qarshi tartib-taomillarining samaradorligini monitoring va nazorat qilish, O‘zbekiston Respublikasi Qonunlari va qonun osti boshqa normativ-huquqiy hujjatlarni ijrosini ta’minlash bo‘yicha olib

borilayotgan ishlarning ahvolini o'rganish hamda yo'l qo'yilayotgan xato va kamchiliklarni o'z vaqtida bartaraf etilishini ta'minlash hamda ish samaradorligini oshirish bo'yicha sezilarli ishlar amalga oshirildi.

Jumladan, 2025-yil davomida talabalarining talabalar turar joyi va ijara xonadonlaridagi yashash sharoitlari hamda ularni bo'sh vaqtini mazmunli tashkil etish bo'yicha olib borilayotgan ishlar, O'zbekiston Respublikasining "Davlat xaridlari to'g'risida"gi Qonuni talabalariga asosan tashkil etilgan "Xaridlar komissiyasi"ning ish faoliyati, O'zbekiston Respublikasi Vazirlar Mahkamasining 2020-yil 31-yanvardagi 59-son qarori bilan tasdiqlangan "Oliy ta'lim muassasalari talabalariga stipendiyalar tayinlash va to'lash tartibi to'g'risida"gi Nizom hamda Oliy ta'lim, fan va innovatsiyalar vazirligining 2024-yil 2-dekabrda 451 va 452-sonli buyruqlari talablari asosida olib borilayotgan ishlarning ahvoli o'rganildi va aniqlangan xato va kamchiliklarni bartaraf etish bo'yicha institut rektoriga axborot kiritildi hamda ushbu yo'nalishlardagi ishlarni yaxshilash va ish samaradorligini yanada oshirish bo'yicha zarur chora-tadbirlar belgilanishi ta'minlandi.

Bizga ma'lumki, Mehnat qonunchiligiga ko'ra, xizmat tekshiruvi xodim tomonidan intizomiy qilmish sodir etilganligi faktini, uning sodir etilishida xodimning aybini, xodim tomonidan intizomiy qilmish sodir etilishiga imkon bergan sabablar va shart-sharoitlarni, ish beruvchiga yetkazilishi mumkin bo'lgan moddiy zararining xususiyati va miqdorini aniqlash maqsadida amalga oshiriladigan tekshirish jarayondir.

Xizmat tekshiruvi o'tkazish amaliyoti qonunchilik va xizmat intizomini mustahkamlash borasida o'tkaziladigan profilaktik-ogohlantiruv tadbirlar orasida o'zining eng ta'sirchanligi va samaradorligi bilan alohida o'rin egallaydi.

Shularni inobatga olgan holda xizmat intizomini buzish bilan bog'liq bo'lgan holatlar yuzasidan professor-o'qituvchilar va ishchi-xodimlarning xatti-harakatlariga nisbatan xizmat tekshiruvi o'tkazish jarayonlari ham bo'lim tomonidan huquqiy-normativ hujjatlarda o'rnatilgan tartib asosida amalga oshirilmoqda.

Birgina 2025-yilning o'zida xizmat intizomini va odob-axloq qoidalarini buzgan **14 nafar** professor-o'qituvchi va ishchi-xodimlarga nisbatan **4 ta** xizmat tekshiruvi o'tkazilib, ularning xatti-harakatlariga huquqiy baho berildi va xizmat intizomi va qonunchilikni mustahkamlash bo'yicha tegishli zarur chora-tadbirlar belgilandi.

Shuningdek, o'tgan yilning iyun oyida talabalar tomonidan institut rektoriga telegramm bitt orqali yo'llangan murojaatlar yuzasidan o'tkazilgan o'rganishlar natijasiga ko'ra, **2 nafar** xizmat intizomini buzgan xodimga nisbatan to'plangan hujjatlar tegishli ta'sir choralari qo'llash uchun "Odob-axloq komissiyasi" ga taqdim etildi.

O'zbekiston Respublikasi Prezidentining 2024-yil 21-iyundagi "Aholi va davlat xizmatchilarining korrupsiyaga qarshi kurashish sohasidagi bilimlarini uzluksiz oshirish tizimini joriy qilish chora-tadbirlari to'g'risida"gi PQ-228-son qarori ijrosi ta'minlash maqsadida o'tgan yil davomida jami Pedagogika fakultetining **498 nafar**, Aniq va amaliy fanlar fakultetining **1180 nafar**, Filologiya va tarix fakultetining **1638 nafar**, Boshlang'ich ta'lim fakultetining

801 nafar jami **4117 nafar** talaba-yoshlar ro'yxat asosida "Korrupsiyaga qarshi kurashish virtual akademiyasi" elektron platformasi orqali onlayn tartibda o'qitildi.

"Korrupsiyaga qarshi kurashish virtual akademiyasi" elektron platformasi orqali onlayn tartibda o'qitilgan talaba-yoshlarning **1613 nafari** 1-bosqich, **1500 nafari** 2-bosqich va **1004 nafari** 3-bosqich talabalarini tashkil etadi.

Shuningdek, Oliy ta'lim, fan va innovatsiyalar vazirining "Korrupsiyaga qarshi ta'lim va yoshlarning imkoniyatlarini kengaytirish global resursi (GRACE) dasturi doirasida o'qitish amaliyotini joriy etishni tashkil etish to'g'risida" 2024-yil 24-sentabrda 355-son burug'i talablari asosida bo'lim tomonidan O'quv-uslubiy boshqarmasi bilan hamkorlikda **6 ta** seminar va **80 ta** o'quv mashg'ulotlari o'tkazildi. Ushbu jarayonlarga jami **2460 nafar** talaba-yoshlarning ishtiroki ta'minlandi.

2025-yil mobaynida bo'lim tomonidan institut talaba-yoshlari o'rtasida **256** (2024-189) **marotaba** korrupsiyaga qarshi kurashish yo'nalishi bo'yicha huquqiy mavzularda targ'ibot tadbirlari o'tkazildi.

Targ'ibot tadbirlarining **88** (2024-64) **tasi** ma'ruza, **95** (2024-72) **tasi** davra suhbat, **330** (2024-25) **tasi** seminar ko'rinishida hamda **40** (2024-28) **tasi** uyma-uy borib o'tkazildi, ushbu tadbirlarda **6127** (2024-5476) **nafar** talaba-yoshlarning ishtiroki ta'minlandi.

Talaba-yoshlarda korrupsiyaga nisbatan toqatsizlik munosabatini shakllantirish maqsadida institut rektorining tegishli buyruqlariga asosan talaba-yoshlar o'rtasida "**Yoshlar korrupsiyaga yo'q deydi!**" mavzusida 2025-yilning **19-may kuni "Eng yaxshi esselar"**, **10-15-noyabr kunlari "Eng yaxshi rasmlar va 17-22-noyabr kunlari "Eng yaxshi insholar"** tanlovlari o'tkazildi.

Institutdagi mavjud korrupsiyaviy xavf-xatarlarni aniqlash va bartaraf etish hamda iste'molchilarning ta'lim xizmatlari sifatidan qanoatlanligini baholash maqsadida joriy yilning **28-martdan 12-aprel kuniga** qadar talaba-yoshlar o'rtasida onlayn tartibda anonim so'rovnomalar tashkil etildi.

Ushbu so'rovnoma tadbirida jami **2319 nafar** talaba-yoshlarning ishtiroki ta'minlandi. So'rovnoma natijalari bo'yicha ishtirokchilarning fikr va mulohazalari tahlil etilib, bo'lim tomonidan institutdagi qoldiq korrupsiyaviy xavf-xatarlarni bartaraf etish hamda ta'lim sifatini yaxshilash bo'yicha zarur chora-tadbirlar belgilandi va tegishli sohaviy bo'limlarga topshiriqlar berildi.

Shuningdek, 2025-yilning **13-noyabr** va **24-noyabr** kunlari Korrupsiya holatlarini aniqlash borasida vazirlikning rasmiy messenjeri orqali tashkil etilgan so'rovnomalarda institut talaba-yoshlari va xodimlarini ishtirokini ta'minlash bo'yicha so'rovnoma havolasi institutning rasmiy veb-saytlari orqali e'lon qilindi.

Vazirlik tomonidan joriy yilning **13-noyabr kuni** tashkil etilgan onlayn so'rovnoma tadbirida institutning **2768 nafar**, **24-noyabr kuni** o'tkazilgan so'rovnoma tadbirida esa **1225 nafar** institutning talaba-yoshlari va xodimlarining ishtiroki ta'minlandi.

#Stop korrupsiya xeshtegi ostida chellendj tadbirlarini o'tkazishi aholi o'rtasida korrupsiyaga qarshi toqatsizlik munosabatini shakllantirishda muhim ahamiyat kasb etishini inobatga olib, bo'lim tomonidan ushbu yo'nalishda ham qator ijobiy natijalarga erishildi.

Jumladan, joriy yilning **19-mart** hamda **5-8-may va 19-20 sentabr** kunlari

#Stop korrupsiya xeshtegi ostida o'tkazilgan chellendj tadbirida **300 nafardan** ortiq professor-o'qituvchilar, **4769 nafar** talaba-yoshlar hamda **210 nafar** ishchi-xodimlarning faol ishtiroki ta'minlandi.

Imtihonlar, kurs ishlari va bitiruv malakaviy ishlarni baholashda hamda doktorantura va mustaqil izlanuvchanlikka qabul jarayonlarini adolatlilik, qonuniylik, shaffoflik va ochiqlik prinsiplari asosida o'tkazilishi ta'minlash ishlari bo'lim tomonidan alohida nazorat ostiga olingan.

Jumladan, o'tgan davr mobaynida talaba-yoshlardan olinadigan yakuniy nazorat imtihon va yakuniy davlat attestatsiyasi jarayonlari shu jumladan, kurs ishlari va bitiruv malakaviy ishlarni baholash hamda doktorantura va mustaqil izlanuvchanlikka qabul jarayonlari belgilangan tartibda tashkil etilishi hamda ushbu barcha jarayonlarni videokuzatuv moslamalari o'rnatilgan dars xonalarida olib borilishi va onlayn kuzatuv orqali namoyish etilishi ta'minlandi.

Bo'lim tomonidan institutining rasmiy veb-saytida "Korrupsiyaga qarshi kurash" rubrikasi (sarlavhasi)ni ochish va sifatli yuritish ishlari ham samarali joriy etildi.

Institutning rasmiy veb-saytida "Korrupsiyaga qarshi kurash" rubrika (sarlavha)sidan foydalanuvchilar uchun yanada qulayliklarni yaratish maqsadida sarlavha institut veb-saytining birinchi sahifasiga joylashtirildi.

Sarlavhada sohaga oid bo'lgan barcha ma'lumotlar **12 ta** asosiy sahifa orqali muntazam ravishda jamoatchilikning e'tiboriga yetkazib borilishi yo'lga qo'yildi.

Korrupsiyaga qarshi kurashish hamda manfaatlar to'qnashuvini tartibga solish yo'nalishlari bo'yicha ega bo'lgan bilimlarni oshirish va kasbiy mahoratni muntazam ravishda rivojlantirib borish bo'lim xodimlarining asosiy maqsadlaridan biri bo'lib hisoblanadi.

2025-yilning o'tgan davri mobaynida O'zbekiston Respublikasi Huquqni muhofaza qilish akademiyasi, Oliy va o'rta ta'lim vazirligi huzuridagi bosh ilmiy-metodik markaz (BIMM), O'zbekiston Respublikasi Bosh prokuraturasi akademiyasi, Oliy ta'lim tizimi kadrlarni qayta tayyorlash va malakasini oshirish instituti hamda O'zbekiston Respublikasi Moliya vazirligi huzuridagi Moliya organlari hamda budjet tashkilotlarining moliya-hisob bo'linmalari xodimlarini tayyorlash va qayta tayyorlash o'quv markazi tomonidan tashkil etilgan **8 ta** masofaviy kurslarda bo'lim xodimlari ishtiroki etishdi va tegishli sertifikatlarga ega bo'lishdi.

Bo'lim tomonidan "Manfaatlar to'qnashuvi to'g'risida"gi O'zbekiston Respublikasi Qonuni ijrosini ta'minlash borasidagi ishlar ham belgilangan reja asosida tizimli ravishda amalga oshirilmoqda.

Jumladan, joriy yilda **185 nafar** ishga yangi qabul qilingan nomzodlar, **44 nafar** boshqa ishga o'tkazilgan va **43 nafar** boshqaruv xodimlari tomonidan belgilangan shakldagi to'ldirilgan "Ehtimoliy manfaatlar to'qnashuvi to'g'risidagi deklaratsiya"larda oshkor etilgan ma'lumotlar bo'lim tomonidan o'rganilib, "Manfaatlar to'qnashuvi to'g'risida"gi Qonun talablari asosida ehtimoliy manfaatlar to'qnashuvini tartibga solish bo'yicha choralarining yetarliligi va to'g'riligini ta'minlash haqida xulosa qabul qilinishini ta'minlash uchun "Odob-axloq komissiyasi"ga asosli **26 marotaba** takliflar kiritildi.

“Odob-axloq komissiyasi” tomonidan qabul qilingan xulosa asosida manfaatlar to‘qnashuvini tartibga solish yuzasidan choralar ko‘rish to‘g‘risida Moliya-iqtisod bo‘yicha prorektoriga **2 ta**, Yoshlar masalalari va ma‘naviy-ma‘rifiy ishlar bo‘yicha birinchi prorektoriga **1 ta**, Aniq va tabiiy fanlar fakultetiga **2 ta**, Pedagogika fakultetiga **1 ta**, Xodimlar bo‘limiga **1 ta** va “Xarid komissiyasi”ga **8 ta** takliflar kiritildi, **29 nafar** professor-o‘qituvchi va ishchi-xodimlar to‘g‘risidagi ma‘lumotlar Urganch davlat pedagogika institutida manfaatlar to‘qnashuvini hisobga olish reestriga kiritildi.

Institutda mehnat faoliyatini olib borayotgan barcha toifadagi **454 nafar** xodimlar institutning korrupsiyaga qarshi kurashish bo‘yicha ichki idoraviy hujjatlar “Korrupsiyaga qarshi kurashish Siyosati”, Manfaatlar to‘qnashuvini boshqarish bo‘yicha Nizom” “Korrupsiyaviy xavf-xatarlarni baholash uslubiyoti” va “Aloqa kanallari orqali korrupsiyaviy xatti-harakatlar to‘g‘risida kelib tushgan xabarlarini qabul qilish va ko‘rib chiqish reglamenti” imzo orqali tanishtirildi.

Institutda korrupsiyaviy xavf-xatarlarni baholash bo‘yicha o‘tkazilgan o‘rganishlar davomida, **Xodimlar, Buxgalteriya va Reja-moliya bo‘limlari, Registrator ofisi, fakultetlar** hamda **kafedralar** doirasida bajarilayotgan funksiyalarning korrupsiyaviy xavf-xatarlarga moyillik darajasi baholanib, mazkur funksiyalarda korrupsiyaviy xavf-xatarlarni minimallashtirish bo‘yicha tegishli bo‘lgan zarur chora-tadbirlar belgilandi.

O‘tgan yil davomida institutning **209 nafar** xodimlar mehnat shartnomasiga kiritilgan korrupsiyaga qarshi shartlar bilan imzo orqali tanishtirildi.

Institut rektorining 2024-yil 14-oktabrdagi 223-IB-sonli buyrug‘ining 7-ilovasiga muvofiq tasdiqlangan **“Ishga qabul qilinayotgan nomzodlarni tekshirish bo‘yicha Yo‘riqnoma”** talablari asosida 2025-yil mobaynida institutga ishga kirish uchun hujjat topshirgan **362 nafar** nomzodlarni o‘rganish natijasiga ko‘ra ularning **119 nafariga** ijobiy va **243 nafariga** salbiy xulosalar berildi.

2025-yil mobaynida bo‘lim faoliyati bilan bog‘liq vazirlik va boshqa davlat tashkilotlaridan kelgan **71 ta** topshiriq va ko‘rsatmalari ijrosi o‘z vaqtida to‘liq ta‘minlandi.

Hisobot davri mobaynida institut faoliyatiga doir **1125 ta** ichki buyruqlarni ishlab chiqish jarayonida bevosita ishtirok etilib, **212 tasining** rasmiylashtirilishida xato va kamchiliklar yo‘l qo‘yilganligi aniqlandi va amaldagi qonunchilik hujjatlariga mos ravishda qabul qilinishi ta‘minlandi.

Bo‘lim tomonidan institutda faoliyati yo‘lga qo‘yilgan barcha komissiya va ishchi guruhlarining ish faoliyatiga doir qarorlar amaldagi qonunchilikka muvofiq qabul qilinishi ta‘minlandi.

2024/2025-o‘quv yili mobaynida Korrupsiyaga qarshi kurashish yo‘nalishida amalga oshirilgan ishlar institut Matbuot bo‘limi tomonidan tashkilotning rasmiy veb-saytlari orqali va boshqa ommaviy axborot vositalari orqali muntazam ravishda yoritib borilmoqda.

Bo‘lim tomonidan amalga oshirilgan ishlar va ko‘rilgan chora-tadbirlar natijasida 2024 va 2025-yilning o‘tgan davri mobaynida institutda professor-o‘qituvchilari, ishchi-xodimlari va talaba-yoshlari bilan bog‘liq korrupsiyaviy turdagi jinoyat va huquqbuzarliklar sodir etilishiga yo‘l qo‘yilmadi.